



**OPĆINSKI NAČELNIK**

**MUNICIPALITY MAYOR**

Broj: 05/2-11/3-2677/21

Velika Kladuša, 27.12.2021. godine

Na osnovu člana 70. Zakona o javnim nabavkama BiH („Službeni glasnik BiH“, broj: 39/14), člana 5. i 8. Pravilnika o uspostavljanju i radu komisije za nabavke („Službeni glasnik BiH“, broj: 103/14) i člana 43. Statuta Općine Velika Kladuša („Službeni glasnik Općine Velika Kladuša“, broj: 12/11), u predmetu konkurentskog postupka prikupljanja ponuda za nabavku rezervnih dijelova i auto guma u 2022. godini, a na osnovu preporuke Komisije za javne nabavke, Općinski načelnik Općine Velika Kladuša, donio je

**O D L U K U**  
**o dodjeli ugovora**

1. Prihvata se ponuda ponuđača „AUTOMELKA“ d.o.o. Velika Kladuša u konkurentskom postupku nabavke rezervnih dijelova i auto guma (sukcesivna isporuka) u 2022. godini za potrebe Općine Velika Kladuša, u vrijednosti od 12.814,70 KM bez PDV-a, odnosno 14.993,20 KM sa PDV-om.

2. Po pravosnažnosti ove Odluke, Ugovorni organ će pozvati izabranog ponuđača radi zaključenja Ugovora kojim će se regulisati međusobna prava i obaveze vezane za predmetnu nabavku shodno zahtjevima Ugovornog organa navedenim u tenderskoj dokumentaciji i Zakonskim propisima koji regulišu postupke ugovaranja.

3. Ova Odluka objavit će se na službenoj web stranici Općine Velika Kladuša, u skladu sa članom 70. Zakona o javnim Nabavkama BiH („Službeni glasnik BiH“, broj: 39/14).

**O b r a z l o ž e n j e**

Na osnovu Obavještenja o nabavci, broj: 299-7-1-46-3-26/21, objavljenog na stranici Agencije za javne nabavke od 7.12.2021. godine i provedenog konkurentskog postupka prikupljanja ponuda za javnu nabavku rezervnih dijelova i auto guma, sukcesivna isporuka u 2022. godini, prema specifikaciji navedenoj u tenderskoj dokumentaciji, proveden je postupak prikupljanja ponuda, analize i ocjene ponuda.

Tendersku dokumentaciju sa portala Agencije za javne nabavke preuzelo je 8 (osam) ponuđača.

Nakon isteka krajnjeg roka za podnošenje ponuda evidentirano je da je pristigla samo jedna ponuda to: ponuda ponuđača „AUTOMELKA“ d.o.o. Velika Kladuša.

Nakon izvršenog otvaranja ponude Komisija je pristupila analizi dokumentacije priložene uz ponudu u smislu provjere njene validnosti, s obzirom na iskazane zahtjeve Ugovornog organa u Tenderskoj dokumentaciji, odnosno vrednovanju ponuda, a u skladu sa procedurama i pravilima utvrđenim Tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima.

U Izvještaju Komisije od 17.12.2021. godine navedeno je da je analizom dokumentacije ponuda utvrđeno da pristigla ponuda ponuđača „AUTOMELKA“ d.o.o. Velika Kladuša ne ispunjava uvjet u dijelu koji se odnosi na obrazac povjerljivih informacija te da je ista nepotpuna, zbog čega je Komisija preporučila Općinskom načelniku Općine Velika Kladuša da donese Odluku o poništenju postupka nabavke iz razloga što ponuda nije potpuna. Dopunom izvještaja od 24.12.2021. godine, Komisija za javne nabavke je konstatovala da je detaljnom analizom dokumentacije ponuda i ispunjavanja uvjeta iz tenderske dokumentacije utvrđeno da



pristigla ponuda ponuđača „AUTOMELKA“ d.o.o. Velika Kladuša ispunjava formalno-pravne uvjete i u dijelu koji se odnosi na anex 7 tenderske dokumentacije, tj. obrazac povjerljivih informacija. Dalje navode da je pregledom tenderske dokumentacije ustanovljeno da nedostavljanje anexa 7 suštinski znači da ponuđač nema povjerljivih informacija. Stoga, Komisija za javne nabavke daje Općinskom načelniku Općine Velika Kladuša, preporuku da donese Odluku o dodjeli Ugovora ponuđaču „AUTOMELKA“ d.o.o. Velika Kladuša, odnosno da da saglasnost na ovaj Izvještaj radi provođenja daljih aktivnosti na realizaciji postupka nabavke u skladu sa odredbama Zakona i općih akata.

E-aukcija, iako je bila predviđena nije zakazana zbog prijema jedne prihvatljive ponude pa se postupak okončava u skladu sa članom 69. Zakona o javnim nabavkama.


Shodno odredbama Zakona i općima aktima, kriterij za vrednovanje ponuda je „najniža cijena tehnički zadovoljavajuće ponude“, a nakon provedenog postupka bez e-aukcije, Komisija je Dopunom Izvještaju, broj: 05/2-11/3-2677/21 od 24.12.2021. godine, utvrdila da ponuda ponuđača „AUTOMELKA“ d.o.o. Velika Kladuša, sa cijenom od 12.814,70 KM bez PDV-a, odnosno 14.993,20 KM sa PDV-om ispunjava zahtjeve Ugovornog organa pa je shodno tome data preporuka da se donese Odluka o dodjeli Ugovora navedenom Ponuđaču.

Imajući u vidu prednje navedeno, Općinski načelnik je odlučio kao u dispozitivu.

**UPUTA O PRAVNOM LIJEKU:** Svaki ponuđač koji ima legitiman interes za konkretan Ugovor o javnoj nabavci i koji smatra da je Ugovorni organ u toku konkretnog postupka dodjele ugovora prekršio jednu ili više odredbi Zakona o javnoj nabavci BiH ima pravo uložiti žalbu u roku od 5 dana od dana kada je primio Odluku, odnosno obavještenje o dodjeli Ugovora. Žalba se podnosi Ugovornom organu, kao prvostepenoj instanci u žalbenom postupku, u tri primjerka direktnom predajom kod Ugovornog organa ili preporučenom poštanskom pošiljkom.

Obrađivač:

Sanda Šertović, dipl. pravnik



DOSTAVITI:

1. Svim učesnicima postupka,
2. Komisiji za nabavke,
3. Služba za upravu, društvene djelatnosti i zajedničke poslove (web stranica),
4. U spis,
5. A/a.



**OPĆINSKI NAČELNIK**  
**Fikret Abdić, dipl.ing.**

